

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 01.02.2018թ. թիվ 1807549222 որոշումն անփոփոխ, իսկ վարչական բողոքն առանց բավարարման թողնելու մասին

<<30>> 03 2018թ. 174-2900748/174-4932

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արման Ասրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Արեշ 26 փողոցի 83 տան բնակիչ Արման Ասրյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 01.02.2018թ. թիվ 1807549222 որոշմանը՝ նշելով, որ չի կատարել իրավախախտում:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին մասին 01.02.2018թ. թիվ 1807549222 որոշումն օրինական է և իրավաչափ, իսկ դիմումատուի փաստարկն այն անվավեր ճանաչելու հիմք չի կարող հանդիսանալ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 6-րդ ենթակետի համաձայն՝ կանգառն արգելվում է խաչմերուկներում, երթևեկելի մասերի հատման վրա և հատվող երթևեկելի մասի եզրից 5 մ պակաս վայրում՝ բացառությամբ երթևեկելի մասերի եռակողմ հատման հոծ գծով կամ բաժանարար գոտիով առանձնացված կողմի վրա (շարունակություն չունեցող կողմի դիմաց):

Իրավախախտումն ամրագրած տեսանյութը փաստում է, որ դիմումատուին պատկանող տրանսպորտային միջոցը տեղակայված է երթևեկելի մասի եզրից 5 մետր պակաս վայրում, որտեղ բացակայում են կարմիր գույնով գծանշված ընդհատվող գծանշումները:

Նշված կանոնի կատարումը, անկախ տարածքը համապատասխան ճանապարհային նշանով կահավորված լինելու և այն տեսանկարահանող սարքերի կողմից հսկվելու հանգամանքից, բոլոր տրանսպորտային միջոցների վարորդների պարտականությունն է, իսկ դրա մասին չիմանալը չի կարող անձին ազատել վարչական պատասխանատվությունից:


Միաժամանակ հայտնում եմ, որ ոստիկանության կայքէջում տեղադրված տեսանյութը վարչական ակտում նշված PIN #18289EFKMYGH անհատական ծածկագրով հասանելի է վերջինիս հասցեատիրոջը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին մասին 01.02.2018թ. թիվ 1807549222 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արման Ասրյանին և ՃՈ ՏՄՀԽԱ կենտրոն:

Արման Ասրյան



Ե. Կարապետյան